

Broj: 08-02-07/2-11-2-757-14/26

Dana: 17.4.2026.godine

Na osnovu člana 70. stav (1), (3) i (6), u vezi sa članom 64. stav (1) tačka b) Zakona o javnim nabavkama ("Službeni glasnik BiH", broj: 39/14,59/22,50/24), članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za nabavku iz Zapisnika o pregledu i ocjeni ponuda broj: 08-02-07/2-11-2-757-13/26 od 14.4.2026. godine, u postupku javne nabavke "LOT 1: Nabavka kancelarijskog namještaja", policijski komesar Uprave policije Ministarstva unutrašnjih poslova Zeničko-dobojskog kantona, d o n o s i:

ODLUKU

o izboru najpovoljnijeg ponuđača "GRADIZ" d.o.o. Sarajevo, za "LOT 1: Nabavka kancelarijskog namještaja"

I

Prihvata se Preporuka Komisije za javnu nabavku roba, usluga i radova (u daljem tekstu - Komisija), iz Zapisnika o pregledu i ocjeni ponuda broj: broj: 08-02-07/2-11-2-757-13/26 od 14.4.2026. godine, i ugovor za "LOT 1: Nabavka kancelarijskog namještaja", dodjeljuje se ponuđaču "GRADIZ" d.o.o. Sarajevo, sa ponudom broj: 08-02-07/2-11-2-757-6/26 od 26.3.2026. godine, i ponudnom cijenom u iznosu od 85.211,00 KM bez PDV-a, u koju je uračunat popust ostvaren na e-Aukciji u iznosu od 0,3%.

II

Odabrani ponuđač dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

Za ispunjenje uslova iz člana 45. stav (1) tačka a) Zakona, a u vezi sa stavom (2) tačkom a) iste odredbe Zakona, ponuđač mora ispoštovati slijedeće:

Shodno mišljenju Suda BiH od 21.05.2019. godine, upućenog Agenciji za javne nabavke, u cilju urednosti ponuda, a prema članu 45. stav (1) tačka a), u vezi sa stavom (2) tačka a) istog člana Zakona, neophodno je da svaki kandidat/ponuđač kumulativno dostavi potvrdu Suda BiH i potvrdu suda prema sjedištu pravnog lica, odnosno kandidata/ponuđača, iz razloga što nije definisan

Jedinstveni registar na nivou Bosne i Hercegovine, u koji bi se upisivale pravosnažne presude za osuđene za krivična djela organizovanog kriminala, korupcije, prevare i pranja novca. Stoga, obaveza je kandidata/ponuđača da, u smislu odredbi člana 45. stav (1) tačka a), u vezi sa stavom (2) tačka a) iste odredbe Zakona, dostave uvjerenje Suda BiH i suda prema sjedištu pravnog lica, odnosno kandidata/ponuđača.

- 2 (dvije) obične kopije dostavljene dokumentacije iz stava II (ukoliko ponuđač ne dostavi kopije ponude, njegova ponuda se neće označiti neprihvatljivom).

III

Ova Odluka objaviće se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

IV

Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 08-02-07/2-11-2-757-1/26 od 4.3.2026. godine.

Javna nabavka provedena je putem otvorenog postupka nabavke.

Procijenjena vrijednost nabavke za LOT 1 iznosila je 85.470,00 KM bez PDV-a.

Obavještenje o nabavci broj: 30099-1-1-13-3-33/26, poslano je na objavu dana 4.3.2026. godine u 14,35 sati, a sažetak istog objavljen je dana 13.3.2026. godine u "Službenom glasniku BiH", broj 20/26.

Komisija za javnu nabavku imenovana je Rješenjem broj: broj: 08-02-07/2-11-2-757-3/26 od 5.3.2026. godine.

Komisija za javnu nabavku sačinila je Zapisnik o prijemu ponuda broj: 08-02-07/2-11-2-757-12/26 od 27.3.2026. godine, Zapisnik sa otvaranja ponuda broj: broj: 08-02-07/2-11-2-757-12/26 od 27.3.2026. godine, i Zapisnik o pregledu i ocjeni ponuda broj: 08-02-07/2-11-2-757-13/26 od 14.4.2026. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute Zapisnike, iz kojih je utvrđeno sljedeće:

- da se do roka određenog za dostavljanje ponuda za LOT 1, 5 (pet) ponuđača prijavilo na predmetno javno nadmetanje, i to ponuđači: "R&S" d.o.o. Sarajevo, "GRADIZ" d.o.o. Sarajevo, "ALESTRA" d.o.o. Sarajevo, "FACTOR X" d.o.o. Ilidža i "LARIX" d.o.o. Doboj,

- ponuda ponuđača "LARIX" d.o.o. Doboj, zaprimljena je nakon isteka roka za dostavu ponuda - ista je zaprimljena dana 27.3.2026. godine u 11,35h.

- da ponude ponuđača: "R&S" d.o.o. Sarajevo, "GRADIZ" d.o.o. Sarajevo i "ALESTRA" d.o.o. Sarajevo ispunjavaju sve zahtjeve ugovornog organa u formalno-pravnom, ekonomskom i tehničkom smislu, tj. da su iste za ugovorni organ prihvatljive, dok su ponude ponuđača "FACTOR X" d.o.o. Ilidža i "ALESTRA" d.o.o. Sarajevo, nepravilne, iz sljedećih razloga:

Ponuda ponuđača "FACTOR X" d.o.o. Ilidža je nepravilna, iz razloga što nije u skladu sa tenderskom dokumentacijom u odnosu na poziciju broj 6. iz Obrasca za cijene robe (Anex II) gdje su traženi metalni ormari za skladištenje municije dimenzija 180x90x50, a ponuđen je metalni ormar dimenzija 200x92x45.

Ponuda ponuđača "ALESTRA" d.o.o. Sarajevo je nepravilna, iz razloga što nije u skladu sa tenderskom dokumentacijom u odnosu na poziciju broj 9. iz Obrasca za cijene robe (Anex II), gdje su tražene konferencijske stolice čija konstrukcija mora osigurati stabilnost i nosivost najmanje 120 kg, a ponuđene su konferencijske stolice opterećenja do 110 kg.

Dana 13.4.2026. godine sa početkom u 10,00h, započeta je e-Aukcija između gore pomenutih, prihvatljivih ponuda.

Početna rang lista ponuđača koji su pozvani da učestvuju na e – Aukciji:

RB	Naziv ponuđača	Početna cijena u KM bez PDV-a	Rang
1.	"R&S" d.o.o. Sarajevo	85.387,00	1
2.	"ALESTRA" d.o.o. Sarajevo	85.450,00	2
3.	"GRADIZ" d.o.o. Sarajevo	85.469,00	3

Aukcija je okončana dana 13.4.2026.g. u 10,10h.

Konačna rang lista ponuđača koji su učestvovali na e-Aukciji, kako slijedi:

RB	Naziv ponuđača	Konačna cijena u KM bez PDV-a	Umanjenje cijene	Rang
1.	"GRADIZ" d.o.o. Sarajevo	85.211,00	0,3%	1
2.	"R&S" d.o.o. Sarajevo	85.214,00	0,2%	2
3.	"ALESTRA" d.o.o. Sarajevo	85.299,00	0,18%	3

Slijedom navedenog izvršeno je rangiranje prihvatljivih ponuda prema kriterijumu za izbor ponude:

LOT 1

Naziv ponuđača	Početna cijena ponude bez PDV-a	Popust	Početna cijena ponude bez PDV-a, sa popustom (prije e-aukcije)	Konačna cijena ponude bez PDV-a, sa popustom (nakon e-aukcije)	Rang
"R & S" d.o.o. Sarajevo	85.387,00 KM	Ne	85.387,00 KM	85.214,00 KM	2
GRADIZ d.o.o. Sarajevo	85.469,00 KM	Ne	85.469,00 KM	85.211,00 KM	1
ALESTRA d.o.o. Sarajevo	85.450,00 KM	Ne	85.450,00 KM	85.299,00 KM	3

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena".

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, i predmetnom tenderskom dokumentacijom.

Slijedom navedenog, ponuđač "GRADIZ" d.o.o. Sarajevo odabran je na osnovu ponuđene cijene u iznosu od 85.211,00 KM bez PDV-a, u koju je uračunat popust ostvaren na e-Aukciji u iznosu od 0,3%.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta


zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

**POLICIJSKI KOMESAR
GENERALNI INSPEKTOR POLICIJE**

Admir Gazić



DOSTAVLJENO:

1. Ponuđači, 1x.-
2. Sektor za mat.-fin.poslove, 1x.-
3. Spis, 1x.-



Broj: 08-02-07/2-11-2-757-15/26

Dana: 17.4.2026.godine

"R&S" d.o.o. Sarajevo
"GRADIZ" d.o.o. Sarajevo
"ALESTRA" d.o.o. Sarajevo
"FACTOR X" d.o.o. Ilidža
"LARIX" d.o.o. Doboj

Na osnovu člana 71. Zakona o javnim nabavkama ("Službeni glasnik BiH", br. 39/14, 59/22, 50/24), policijski komesar Uprave policije Ministarstva unutrašnjih poslova Zeničko-dobojskog kantona, donosi:

OBAVJEŠTENJE

o izboru najpovoljnijeg ponuđača "GRADIZ" d.o.o. Sarajevo, za "LOT 1: Nabavka kancelarijskog namještaja"

Obavještavamo vas da je Uprava policije ovog Ministarstva u postupku javne nabavke putem otvorenog postupka nabavke za "LOT 1: Nabavka kancelarijskog namještaja", donijela Odluku broj: 08-02-07/2-11-2-757-14/26 od 17.4.2026. godine, o izboru ponuđača "GRADIZ" d.o.o. Sarajevo kao najpovoljnijeg ponuđača za predmetnu nabavku, sa ponudom broj: 08-02-07/2-11-2-757-6/26 od 26.3.2026. godine, i ponudnom cijenom u iznosu od 85.211,00 KM bez PDV-a, u koju je uračunat popust ostvaren na e-Aukciji u iznosu od 0,3%.

S tim u vezi, uz ovo Obavještenje dostavljamo primjerak Odluke o izboru najpovoljnijeg ponuđača broj: 08-02-07/2-11-2-757-14/26 od 17.4.2026. godine, i Zapisnik Komisije za javnu nabavku roba, usluga i radova, o pregledu i ocjeni ponuda broj: 08-02-07/2-11-2-757-13/26 od 14.4.2026. godine, sa Izvještajem sa e-Aukcije.

S poštovanjem

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u najmanje 3 (tri) primjerka.

**POLICIJSKI KOMESAR
GENERALNI INSPEKTOR POLICIJE**

Admir Gazić

DOSTAVLJENO:

1. Ponuđači, 1x.-
2. Sektor za mat.-fin.poslove, 1x.-
3. Spis, 1x.-



Trg BiH br.1, Zenica, Tel. 032/449-249,
www.mupzdk.gov.ba
E-mail: mupzdk@mupzdk.gov.ba

